



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

117. Kurfürstliche Schutzbriefe oder Pässe für verschiedene auswärtige
Kaufleute, aus dem Jahre 1500.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

117. Kurfürstliche Schugbriefe oder Pässe für verschiedene auswärtige Kaufleute,
aus dem Jahre 1500.

Von gotts gnaden wir Joachim, Churfurst etc., vnd Albrecht, gebruder, Marggrauen zu Brandenburg, Bekennen vnd thun kunt offentlich mit diesem briue vor allermeniglich, so hirmit angelant vnd erfucht werden, das wir vnser liben besundern vlrichen helt vnd Stenzel, seinen Son, zu Posenow, mit sambt iren dinern, kauffmanschatz, hab vnd gut In vnsern sunderlichen schutz, schirm vnd versprechnus sie gleich vnser vnderthan zuerteidigen aufgenommen vnd vnser sicher fridlich vnd vngeuerlich glayt In vnsern landen gegeben haben. Nhemem sie also In vnser versprechnus vnd Geben Inen vnser sicher glayt drey Jar nechst nach einander folgende In craft vnd macht ditzs briues, doch das sie In vnsern Zollen vnd glayten geben vnd reichen, wie sich geburet, auch die strafen In vnsern landen mit iren gutteren halten, wie geordent vnd verkundigt ist. Bitten vnd Begern daruff an ydermeniglich, In was eren, wurden, stans vnd beuelhenus die sind, fruntlich vnd gutlichs fleis den vnsern ernstlich beuelhende, wollet gnante vlrich vnd Stentzel helt mit sampt iren dinern, kaufmanschatz, hab vnd gut sicher, fridsam vnd vnuerhindert zihen, handeln vnd wandeln lassen, auch wo es die notturfft erheischet, ferret mit leiplichen vnd anderen gleyt vff ir ansachen versehen, gunst vnd fordrung von vnsern wegen ertzaigen, das komet vns von euch allen vud yden besundern zu sundern danck vnd gefallen, wollen das widerumb nach gebur eins yden standes fruntlich verdinen, vergleichen vnd gunstlich beschulden, vns auch von den vnsern gantzlich also zugefcheen verlassen. Actum Coln, am dinstag nach Exaudj, Anno etc. XV^o. primo, vnd sollen geben Jerlichen ein lagel Sufwein.

Item dise hirnachgeschriben kauflewt haben meine gnedigste vnd gnedige Herrn von Brandenburg In Irer gnaden schutz vnd versprechnus genohmen mit sambt irer kauffmanschatz vnd dartzu glayt geben drey Jar lang, nechst nacheinander folgende, doch auf ir gnaden widerrufen, vnd soll yde gefellschaft Iren gnaden Jerlichen geben ein lagel Sufwein auf martinj. Actum Franckfort, Mitwoch nach Esto mihi, Im XV^o. Jar.

Claws Wolff von Leiptzk, mattheus von ent von Possenow auch ein lagel Sufwein.

Andres zu leiptzk vnd Georg von Nuremberg, die hornung gnant, geben auch ein lagel Sufwein.

Jacob krum, hanns Im Graben, hanns von wat von sant Gallen ein lagel Sufwein.

Anthonius hordegen von Pofsnow mit sambt Jorg Hoffman, seinen diner, geben auch ein lagel Sufwein.

Mein gnedigster vnd gnediger hern hat mathias Melber vir Jar lang gleich

ander die iren In versprechnus genohmen, derhalben gibt iren gnaden alle Jar dre lagel malwasier. Actum am dinstag nach misericordias domini, Im XV^e, die lagel Malwasier auf martinj Jerlich zu geben.

Erhart zyner von Nuremberg vnd Dittrich hogener von Bresflow sind auch drey Jar lang In versprechnus aufgenohmen vnd geben auch ein lagel Sufwein.

Mein gnedigst vnd gnedige hern haben Afmus Mauritz drey Jar lang Inn uersprechnus genomen, dauon soll er alle Jar geben auf martinj ein lagel Malwasier. Actum Donnerstag nach visitationis marie, Im XVIII.

Item die Rigler von Noremberg vnd Krackow haben ir lagel versprechnus wein des ersten Jars vberantwort vnd aufgericht.

Desgleichen Claws Wolff von leiptzk, mattheus vom ent von pofenow haben ir lagel Sufwein des ersten Jars aufgericht.

Desgleichen Andres zu leiptzk vnd Georg von Noremberg, die hornung gnant, haben ir lagel sufwein des ersten Jars vberantwort vnd aufgericht.

Desgleichen haben Jacob krum, hanns Im graben, hanns von walt von fant Gallen ir lagel sufwein des ersten Jars vberantwort vnd aufgericht.

Anthonius herdegen von poffenow hat auch sein lagel sufwein des ersten Jars gegeben vnd vberantwort.

Erhart zyner von Noremberg vnd Dyttrich hegener von Bresflow haben auch ir lagel sufwein des ersten Jars aufgericht vnd vberantwort.

Afmus Mauritz zu Magdberg hatt auch sein lagel Sufwein des ersten Jars aufgericht.

Vnnser gnedigsten vnd gnedigen Herren haben Matthis Mulingk vnd seinen Bruder In Iren f. g. versprechnus genomen vnd gibt Iren f. g. alle Jar I lagel sufwein. Actum Donnerstags nach kyliani, Anno etc. XV^e.

Aus dem Churmärkischen Lehnscopialbuche XXXI, 260. 261.

118. Kurfürst Joachim und Marggraf Albrecht laden Bürgermeister und Rath der Stadt Hamburg zu der Hochzeitsfeier in Stendal, am 18. Februar 1502.

Vonn gottes gnadin Joachim, des heiligen Romischen Reichs Ertzcamerer, Churfurst, vnd Albrecht, gebruder, Marggrauenn zu Brandenburg, zu Stetin, pommern etc. Hertzogen etc. Vnfern gunstliken grus zuuorn. Erfamen weisen lieben Befundern. Als wir Marggraff Joachim, kurfurst, des gemutts vnd willens